

巴陵縣志卷之五十九

雜識九

寇準巴陵書事鄉思終日有孤淡厭琴樽眾木侵山徑寒江逼縣門浪沈灘見春雨過壁生痕憔悴悲蘭蕙因思楚屈原

韓丕華州鄭人太平興國進士通判衡州歷官翰林學士禮工二部侍郎寄岳陽劉從事秋來憶故人寓目臨大野遠近聞清商依稀奏幽雅經霜樹半紅無風葉自下一片洞庭心聊憑塞鴻寫

范仲淹送韓瀆殿院出守岳陽仕宦自飄然君恩豈欲偏纔歸劍門道忽上洞庭船墜絮傷春目春濤廢夜眠岳陽樓上月清

巴陵縣志

卷之五十九

雜識九

賞浩無邊

陳與義雨中對酒庭下海棠經雨不謝巴陵二月客添衣草草杯觴恨醉遲燕子不禁連夜雨海棠猶待老夫詩天翻地覆傷春色齒豁頭童祝聖時白竹籬前湖海闊茫茫身世兩堪悲巴陵除夕城中爆竹已殘更朔吹翻江意未平多事鬢毛隨節換盡情燈火向人明比量舊歲聊堪喜流轉殊方又可驚明日岳陽樓上去鳥煙湖霧看春生春寒二月巴陵日日風春寒未了怯園公海棠不惜臙脂色獨立濛濛細雨中城上晚思獨凭危堞望蒼梧落日君山如畫圖無數柳花飛滿岸晚風吹過洞庭湖晚步湖邊客閒無勝日世故可暫逃杖藜迎落照寒彩徧平

皋夕湖光景麗晴鶴聲音豪天長蒹葭響水落城堞高萬象各
搖動慰此老不遭楚纍經行地處處餘離騷幸無大夫貴得伴
諸子遨終然動懷抱白髮風中搔泊宋田遇厲風作逐隊避狂
寇湖中可盤嬉泊舟宋田港俯仰看雲移造物猶不借顛風忽
橫吹洞庭何其大浪挾雲車馳可憐岸上竹翻倒不自持老夫
元耐事淹速本無期會有大風定見汝亭亭時五月念貂裘竟
生薄暮悲蕭蕭不自暢耿耿獨題詩別岳州朝食三斗葱暮飲
三斗醋甯受此酸辛莫行歲晚路丈夫少壯日忍窮不自怨乘
除冀晚泰迺復逢變故經年岳陽樓不見南宮樹辭巢已萬里
兩腳未遑住水落君山高洞庭秋已素浮雲易歸岫遠客難回
巴陵縣志卷之五十九

雜識九

二

顧飄然一緡錫未知所掛處寂寞短歌行蕭條遠游賦學道始
恨晚爲儒孰非腐乾坤杳茫茫三歎出門去送王因叔赴試風
落南紀明秋高洞庭白自是天涯人更送湖上客人人生險易乘
除裏富貴功名從此起不須惜別作酸然滿路新詩付吾子陰
風陰風三日吹南極二月巴陵寒裂石長林巨木受軒輊洞庭
倒流瀟湘黑君不見古廬竹扉聲策策有鈴崩落南客曾經破
膽向炎官敢不修容待風伯居夷行遭亂始知承平樂居夷更
覺中原好巴陵十月江不平萬里北風吹客倒洞庭葉稀秋聲
歇黃帝樂罷川杲杲君山偃蹇橫歲暮天映湖南白如婦人世
多違壯士悲干戈未定書生老楊州雲氣鬱不動白首頻回費

私禱后勝誤齊已莫追范蠡圖越當早爲皇天豈無悔過意君子慎惜經綸時願聞羣公張王室臣也安眠送餘日雨霏霏三日雨靄靄一園春霧澤含元氣風花過洞庭地偏寒浩蕩春半客鈴屨多少人閒事天涯醉又醒巴邱書事三分書裏識巴邱臨老避兵初一遊晚木聲酣洞庭野晴天影抱岳陽樓四年風露侵遊子十月江湖吐亂州未必上流須魯肅腐儒空白九分頭

鄭剛中字亨仲金華人官資政殿大學士諡忠愍岳陽道中詩客子方憂畏津亭更寂寥亂雲藏野寺積雪覆溪橋米潤還難買酤遲轉不饒梅花有何故冷笑背寒條

旁有酒肆終日不售予往沽之倍貴謂予

巴陵縣志

卷之五十九

雜識九

三

無占位牌詐官也見北山集

趙師秀字紫芝四靈之中唯師秀嘗登科改官然亦不顯送蔣節推赴岳陽君山那可上四面是層波此地風煙古前人賦詠多征帆衝雁字官舍近漁歌况爾修真者回仙必見過

汪元量詩重到巴陵秋正清岳陽城下繫孤舫江湖萬里水雲闊天地一涼河漢明月出洞庭魚婢舞氣蒸夢澤鴈奴腥篙工又鼓瀟湘柁漁笛漁榔上下鳴元量字大有號水雲錢塘人以善琴事謝后王昭儀宋亡隨三宮畱燕後爲黃冠師南歸往來匡廬彭蠡閒世莫測其去畱長身玉立修髯廣頰音若洪鐘江右人以爲神仙多畫其像祀之有水雲集湖山類稿王申志按

紀事載吳仁傑送汪水雲入湖詩蓋晚游湖南矣

文天祥集杜詩京湖宣闡第開慶已未江陵闡帥自上而下奔

渚走還岳陽朱與夏通任長江之責一上而一下正當艱難時

使中流蕩然虜安行如入無人之境嗚呼痛哉送樊侍御漢軍豈無濟時策連遣檣興荊州船雨悠悠回赤壁過南嶽送

人往湖南鴈拖秋月洞庭邊客路淒涼野菊天雲隔酒樽橫北

海風吹詩思落西川夜深鬼火千山雪春後鶉花一樹煙爲我

祝融峯上看朝暎白處禮蓬仙

陳泊湖上逢漁者雨蓑烟笠洞庭秋獨繭綸輕一葉舟擬共停

橈醉天暮緩歌濯足不回頭

張元幹字仲宗長樂人紹興中坐送胡邦衡詞得罪除名有蘆

巴陵縣志卷之五十九雜識九

川歸來集瀟湘圖云落日孤煙過洞庭黃陵初畔白蘋汀欲知

萬里蒼梧眼淚盡君山一點青

姜夔昔遊詩洞庭八百里玉盤盛水銀長虹忽照影大哉五色

輪我舟渡其中晃晃驚我神朝發黃陵祠暮至赤沙曲借問此

何處滄灣三十六青蘆望不盡明月耿如燭灣灣無人家祇就

蘆邊宿九山如馬首一一奔洞庭小舟過其下幸哉波浪平大

風忽怒起我舟如葉輕或升千丈坡或落千丈坑回望九馬山

政與大浪爭如飛鵝車礮亂打睢陽城又如白獅子山下跳鬚

鬚須臾入別浦萬死得一生始知前席溼盡覆杯中羹鬚鬚一作

見白石道人集

姚燧岳陽寄定菴王萬戶水調歌頭茲遊太奇絕我亦壯君侯
春風殷地悲歎笳鼓萬貔貅平昔心曾吞著入九江南雲夢今
上岳陽樓尊酒浣塵土山雨戰青油 竟陵客又挾病入西州
惟余與汝湍水東決則東流遙想凝香畫戟談笑兜鍪晝息莫
賦大刀頭麟閣看他日居右有人不按燧字端甫號牧菴謚文
姚樞從子事具元史本傳牧菴集三十六卷中有詩餘二卷公
以至元二十一年爲湖北憲副按部澧州至二十三年夏以湖
北憲副奉檄趨京此詞當作於彼時集中有故民鍾五六君墓
銘云繫鍾徙吉潁川自迫於靖康繹騷避吉而來岳世方四由
元而富仕明至實生文興叔進字郎行五六以族次凡是四世

巴陵縣志

卷之五十九

雜識九

五

皆不位吁哉五六遯迹市乃如天啟所狀事居家孝謹文縵緻
嚴訓厥子俾知義自奉殊貶忘勤勤基約以極豐其積此邦師
之陶猗視居鄉侃侃和以易不私其有善分施歲荒民饑閔瘠
瘁發我廩庾飫老稚崩梁壞塗鍵石治至今行者賴其利乙丑
之閏月庚申年六十八世邁棄葬之三陽先墟比黃室之子南
秀嗣南英南金又其季一女結褵未決議男孫滿十女半是一
庭變兮貫魚似椒聊蕃升必天意豈悌之家久踣躓一朝起行
當遐致况如南秀士服被下及二季皆學仕始卑終高若登陞
或者而宗由昌熾匍匐哀求銘以誌伊誰成厥孝子志苟有善
兮必門地漢氏仲山凡豈異奮筆發隱太史燧

吳縣顧尚書璘字華玉著有息園浮湘憑几歸田諸集贈吳山人詩云昔游洞庭麓蘿陰覆君堂開窗湖水綠舉酒橙花香見列

朝詩

按吳山人者尚書初至岳陽時所訪惜遺其名氏

明江浦莊文節公景定山集寄凌秋官詩江花無語問南遊偶

意先生在岳州動履幾年終去鴈行藏何處是高樓事隨天定

人難勝道許心知病不休手撚黃花堪寄否秋風渺渺送余愁

時凌謫官岳州送施工部出守岳州云醉眼茫茫信欲看百年

契合古人難誰知老病扶犁手也得先生共肺肝聚散有天擡

阜蓋行藏無地了漁竿岳陽樓好湖天闊倘許相思一倚欄公

岳陽樓畱別張公詩已錄入岳陽樓集又有復張岳陽書云執

巴陵縣志

卷之五十九

雜識九

六

事威而能容文而不泥通而得已介不失人大行遠到可以望而知之無似迂疏尺寸之資不益嚮德深峻之勢也明矣然而君子譽之而益勸小人非之而不沮既以此始必以此終古人名言也昨者邂逅傾益執事不失朝夕禮溢而事固精通於誠在心無間於大小又如是者方寸之私久而益醉相去遠矣愛之深而望之至不覺其言之盡也此張岳州當卽畱別之張公而與凌施二公俱不傳其名崧臺別意卷爲巴陵方氏詩云瘦馬炎荒寄宦情烏紗中外野雲青而今萬里高秋興猶在三洲與七星嶽頂精舍爲巴陵柳汝瀾云坐久無人苔澀扉數峯深處見天機午幃風啟頽然去影在青天幾翠微

元人張天啟岳陽詩天入平湖遠樓深納霽華青山藏福地碧
樹記人家水落魚龍蟄風高雁鷺斜古來形勝地何事憶長沙
天啟岳州路學官

傅若金岳陽中秋值安南貢使因懷舊游洞庭秋氣滿龍堆爲
客偏驚節序催鐵笛乍聞雲外過瓊樓應傍月中開越裳重譯
三年至溟海浮槎八月來忽憶舊游今萬里天涯重見雁飛回
房皞寄呈岳陽諸友稟性太褊率不受塵事觸自小遠市廛僻
居在巖谷人閒嗜好心舍書百不欲一飽更何求簞瓢隨分足
失腳墮世路纏糾若徽纆人以官爲榮我以官爲辱平生喜高
潔爲官近卑俗平生喜曠達爲官窘邊幅平生喜蕭散爲官貴

巴陵縣志

卷之五十九

雜識九

七

圓熟平生喜忠鯁爲官多諂曲澆漓當此時古道那可復鷓鴣
巢一木偃鼠飲滿腹誰謂朱門中區區句梁肉折腰趨下風不
厭解印速青山喚我歸早晚謝羈束一樽石上酒浩歌對松菊
皦字希白金遺老也又憶新墻劉德淵詩云雲煙杳靄水微茫
何處青山是岳陽白髮滿頭空自老黃塵兩腳爲誰忙同盟鄂
渚言猶在偕隱廬山興未忘近有倦游詩數首西風吹不到新
墻見河汾諸老詩集王申志疑皦爲巴陵人蓋誤

高思恭晚過巴陵楚水凝千里湘雲隔萬層城高秋浦月星雜
夜船燈旅况天誰問年光雁可憑殷勤淡山色相送過巴陵按
王申志載高克恭登岳陽樓詩其人見續宏簡錄思恭未知卽

克恭否

高明送徐方舟之岳陽布帆高掛發吳歌巴陵到時秋思多涼
風漸落君山木明月正滿洞庭波丈夫壯游有如此人生清事
能幾何想見題詩摻景物夜深風雨泣湘娥明字則誠瑞安人
元至正進士有柔克齋集見明詩綜

安南國王陳益稷巴陵雨中鴉拂平林雁陣空黃花行李老秋
風如何一夜江南夢盡在巴陵細雨中王申志按元至中徵安
國王陳日煊入朝不至二十二年鎮南王圭脫歡征占城道出
安南日煊發兵拒守元兵敗之入其國日煊弟昭國王益稷率
本宗及妻子官吏來降其後元復大舉伐安南封益稷爲安南

巴陵縣志

卷之五十九

雜識九

八

國王以兵納之用湖南撫臣線哥言詔姑止兵令益稷暫駐鄂
州二十五年征安南至其國日煊棄城走二十七年日煊卒子
日燂嗣元仍徵朝懼不至廷臣惡其抗命拘使臣陶子奇於江
陵又議興師令益稷隨軍至長沙詩蓋隨軍至長沙時所作所
謂一夜江南夢者江南卽謂安南也益稷未詳所終

王沂字子與泰和人洪武初徵爲諸王說書授福建鹽運司副
使以老辭歸有竹亭遺稿秋江送別圖題贈黃通守允中秋江
木落楚天低目送歸船渡聶溪莫道浮雲千里隔君山只在洞

庭西

明詩
綜

王偁明史本傳字孟敷閩人洪武中領鄉薦入國學永樂中授

翰林檢討命參英國公張輔軍事坐黨下獄死宿巴陵聞笛玉
笛飄殘月下聲空江秋入思冥冥怪來楊柳移關塞可是梅花
落洞庭半夜旅魂隨調遠誰家少婦倚樓聽曉來更覓龍吟處
一點君山水面青

南海孫賈字仲衍洪武中授工部織染局官終蘇州府經歷坐
黨禍死有西菴集出蜀詩云白帝秋高木葉黃蜀中長是雨浪
浪瞿塘水落旋渦小一路看山到岳陽

任亨泰奉使安南過岳州十二危樓架沈寥楚雲巴樹隱周遭
洞庭春闊煙浮海巫峽天低雪漲濤杜甫有懷詩思苦回仙無
影月輪高登臨已極江湖量未許元龍氣獨豪亨泰襄陽人洪

巴陵縣志

卷之五十九

雜識九

九

武二十一年進士第一以禮部尙書使安南交人以爲榮

葉子奇字世傑龍泉人用薦主巴陵簿岳陽晚興二首洞庭萬
頃秋月君山一點晚煙安得幅巾無事酒船吹笛江天暮雨漁
村春暝曉霜楓葉秋酣人世花開花落山光湖北湖南

歐大任字楨伯廣州順德人官終南京戶部郎中自吉安與巴
陵劉宗道同舟途中言別詩云雨中同上吉州船分手潯陽思
惘然明日思君是何處萬行煙樹入湘川

王象良字思止濟南新城人仕爲姚安府同知有迂園詩集雨
中登鹿角山宿趙荆石宅詩厓古憑空閣峻嶒石徑瑋龍源花
外水鹿角雨中山幸有心知共兼逢地主閒登臨無限意信宿

不知還以上見明詩綜

晏日章字天和巴陵人過津市詩云闕然一市者南北聲莫擇

各持一紙書攔路問歸客楚風補

錢允治字功父長洲人楚江秋晚詩揚帆指洞庭忽振君山柁

日出清霜稀秋江月方墜明詩綜

何景明巴陵詩楚水滇池萬里游使車重喜過巴邱千家樹色

浮山郭七月濤聲入郡樓寺裏亭臺多舊主城中冠蓋半同儔

明朝又下章華路江月湖煙縮別愁大復使滇明史本傳漏載

邑人方啟參秋日思歸湖上草堂湖上羣山舊草堂苔含風牖

迴蒼蒼荀星虛擬當年聚屈佩空憐此日香門外蓬深秋自翳

巴陵縣志卷之五十九雜識九

十

案頭螢死夜偏長追思往事真成夢回首迷途老欲狂

徐學謨岳陽秋望時以景藩奏逮將赴武昌仙人吹遂度蒼梧

天畔樓高自楚都南去帆檣凌浩渺中流日月盪虛無雲開睥

睨丹崖迴露冷蒹葭碧嶼孤欲賦遠征愁更遠可堪搖落向江

湖學謨字子言蘇州嘉定人嘉靖庚戌進士官終禮部尙書有

海峴春明二稿

陳昂字雲仲莆田人有白雲先生集宿江邊閣暝色江邊閣行

吟易斷魂風前兩岸葉月下一聲猿夜哭誰家婦寒號何處村

洞庭春水動雇艇出荆門移居巴陵此卽巴邱成相傳魯肅城

古今餘往事兵火贖殘生楚水爲漁便湘山結室平地靈如獲

託亦足寄遐情

已上二事見明詩綜按陳昂詳後流寓

宋登春白沙津江行舟次岳陽送徐荊州漠漠晴沙江水流

塞衣同上木蘭舟白蘋風起洞庭暮碧樹雲橫楚塞秋羈客懷湘

何限淚孤臣去國不堪愁夕陽帆影臨空盡誰念天涯獨倚樓

見列朝詩集按徐學模鸞池生傳徐荆卽學謨守荊州時授生室城中守罹景藩之難赴逮江夏生送至岳陽而返

王汝玉湘竹簫歌君家洞簫天下奇碎紅亂點香淋漓濃如丹

砂沁冰肌淡似猩血封瓊枝持來世人莫能識疑是秦女來相

貽幾回吹向霜江曉皎月不明風悄悄一聲捲入碧雲中驚散

飛鴻落天表君不見重華去兮歸路遙二妃泣向湘江皋江皋

之竹竹閒淚萬古千年長不消我將挾君攜此同上黃鶴樓醉

巴陵縣志

卷之五十九

雜識九

十一

弄一曲離鸞秋曲終飛渡洞庭去試聽蒼梧猿夜愁

袁宏道岳陽舟中同諸人語榭子碧絲繩官程亦伴僧每聞靜

者語似飲熱中冰隙月衝簾幌高雲謝繳矰七番經過地話盡

一臆鐙

郭都賢讀直指李退菴公祖重修岳陽樓記寄懷書壁炎凜霜

飛御八風一天湖岳動搖中鶴樓搥碎重題鳳狐跡潛埋遠避

驄盟後河山開國業記中憂樂策時功覃恩九載霑南服特簡

何人帝曰公過岳陽僊客吟何處君山共復崦樓中春色少竹

上淚痕添羌笛當簫管蒲颿似酒帘先憂成底事鬢斷不堪拈

贈岳陽郡丞吳舒赤霜吐吳鈞戟列門洞庭秋挂玉壺温潁川

姓氏初傳肅充國勲名舊著屯

公先屯田湖南

樂後登樓仙共醉清知

行部吏無喧

時駐防新隄

莫言黃綬雄飛晚狄相籠中振鷺鷄

公為經臺

士門下

高季廸啟題湘君圖悵望南巡竟不還淚如湘雨暮斑斑須知

竹死愁方盡莫恨秦人徧赭山

見列朝詩集

田文宗管郡侯之岳陽奉上四韻訟堂無吏事選勝漫經過僕

從穿蘆葦旌旗拂芰荷路臨雲夢澤天接洞庭波騁望登樓日

應知逸興多

張明儒楊林晚渡暝色下湘浦歸舟隔渡喧孤城臨水閉隻鳥

背人翻翻轍經過少漁燈輻輳繁何當清興發邀月瀉芳尊

巴陵縣志

卷之五十九

雜識九

七

唐訪卜居洞庭西汊北水東流不到海中橫大澤受汪洋有如

五霸分王運獨向諸州割一方何可無人當此際後先為烈跡

無荒湖人白首傳遺事莫說當年漢與唐編蘆為壁茅為蓋鹽

蚌作調魚作羹羣鷺乍鳴鳧入伴老牛白片犢無駢缺薪細束

青蕃草數夜時支鼻息更敢謂官租如髮密征徭重處且逃輕

嚴首昇岳陽旅次同客故人逐日去獨予信信欲如何入簾霜

色平明滿隔嶺江聲徹夜過湘水百篇人易得巴陵近日酒無

多歸舟更問荊州路聞道荊州尚枕戈

瀟湘八景圖不知何人所作乃元進士哈珊沙家物跋言至正

己亥括城之變倉皇避地舟覆惡溪此卷乃獨全遂贈同年陳

易之易之題一詩云岳陽樓下船初泊壓岸黃蘆秋漠漠割羊
澆酒賽龍君高挂蒲颿晚風作白頭浪裏君山青滿湖明月過
洞庭金銀臺殿出林麓疏鐘隱隱煙中聽小市人家茅緝緝山
翠濛濛客衣溼一聲漁唱浦口迴竹艇搖搖歸去急崖顛雲氣
暝不開夜深風雨如奔雷游子衣寒倚蓬看一雙白鴈沙頭來

祇今作客僧窗下白髮鏡前空看畫漫吟詩句憶瀟湘少慰江

南未歸者孫退谷庚子銷夏錄按夢溪筆談度支員外郎宋

浦歸帆山市晴嵐江天暮雪洞庭秋月瀟湘夜雨煙寺晚鐘漁

邨夕照謂之入景好事者多傳之米芾瀟湘入景圖詩序曰瀟

水出道州湘水出全州至永州而合流焉自湖而南皆二水所

經至湘陰始與沅之水會又至洞庭與巴江之水合故湖之南

皆可以瀟湘名若湖之北則漢沔湯湯不得謂之瀟湘瀟湘之

景可得聞乎洞庭南來浩淼沈碧疊嶂層巖縣衍千里際以天

巴陵縣志 **卷之五十九** 雜識九 **三**

宇之虛碧雜以煙霞之吞吐風帆沙鳥出沒往來水竹雲林映

帶左右朝昏之氣不同四時之候不一此則瀟湘之大觀也若

夫八景之極致則具列於左

衡陽王夫之船山遺書洞庭秋詩錄二浮槎無繫巴邱城縹渺

之樓空若驚微霜覆篔簹失殘夢遠火照帆悲旅情乘乘宇內既

清澈脉脉空際或經營小范於此言憂樂胸中無故橫甲兵鷗

鷓聲斷西日浮君山未愁黃陵愁白浪幾何傾楚塞金風既展
訖神州蕭颯萬个撼斑管迢遞千古疑膠舟賈至張說爾何物
落拓欲牽萬里憂

瀟湘大八景洞庭秋月詞展平湖一片坡瓌何處天圍四野金
風輕捲千波雪陣陣落暉低亞真瀟洒漸西晶連天接住東光

射水輪上也見鏡吸空明練飛霜影一盪清無罅 憑欄處百
尺麗譙飛榭玉樓閃冉光乍清魂搖曳渾無定靈肉欲隨羽化
君莫詫君不見南來猿鶴悲清夜天孤月寡歎吹笛王孫朗吟
仙客倦理雲駟駕又君山浮黛詞渺渺扁舟天一瞬盡日空清
祇覺雲根近片影參差浮復隱琉璃淨挂青螺印憶自嬴皇相
借問堯女含嘔蘭珮悲荒燐淚竹千竿垂紫暈賓鴻不寄蒼梧
信

周必大在京師茶店具紙畫岳州圖譙樓上十二時牌亦時時
自換此神仙之筆也夷堅續志

元人貢性之字友初爲閩理官洪武初避大臣之薦居越山陰

巴陵縣志

卷之五十九

雜識九

古

有南湖集題洞庭秋月圖云一天秋水浩無涯短葦蕭蕭泊暮

槎知是夜涼明月出解將雁影落平沙

元詩選

盛鳴世字太古鳳陽人國子監生有谷中集題岳陽酒家云巴

陵壓酒洞庭春楚女當壚勸客頻莫上高樓望湖水煙波三月

已愁人

明詩綜按列朝詩集小傳云五言近體如鳥啼白門夜月上一樓霜錢郎復生何以過此

鄂容安休如滿洲人雍正癸丑進士鄂爾泰子十四五歲時曾

夜過洞庭湖今十餘年矣偶然有思恍如夢境書四十字云獨

立清宵影秋光萬里閒水天如夢別風雨十年閒白雁霜前字

青螺鏡裏山不堪幾回首便使鬢毛班

孫紹昉字曉峯漢軍人岳州除夕同張玉峯守歲詩慚無詩可

祭且讀送窮文風俗天涯別年華夜半分鄉心看兩鬢宦蹟逐孤雲誰慰羈縻况知交獨有君

傅顯字合宜滿洲人巴陵道中詩霜葉蕭蕭送客行巴陵遙望楚江清蒼茫山勢圍空野浩渺湖光繞近城落雁風迴搖暝色啼猿月冷挾秋聲懷人無限瀟湘意擁鼻微吟句又成

以上熙朝雅頌

臨湘詩人李嶠已見岳陽樓集岳陽旅次喜晤孝舟卻贈詩云遠夢尋高悵莫言相逢相值且傾樽送春風雨兼蕭瑟垂老江湖並走奔兵後論交猶幸在天涯訪舊不多存夜闌無限沈淪意坐對殘燈寂掩門

巴陵縣志

卷之五十九

雜識九

圭